



【所有圖檔，皆為權巧方便詮釋之用，並非究竟義，請勿複製，阿彌陀佛】

辰四 申根結由塵

由明、暗等，二種相形，於妙圓中，黏湛發見。見精映色，結色成根；根元目為，清淨四大，因名眼體；如蒲萄朵，浮根四塵，流逸奔色。

一根中，有三種差別，見精、勝義根、浮塵根。

眼根之由，乃由明、暗等二種色塵，相互形顯。

但明暗之相，本因在本妙、本明、本覺真性中，因無明妄動
(加明於覺)，而成妄明妄覺。(圖 01)






圖01-4

6

妙明真空，變成晦昧頑空(如雲遮日，雖暗不全暗)(圖 02)

{詮釋}

妙明真空，變成晦昧頑空
(如雲遮日，雖暗不全暗)(圖02)





圖02

7

明、暗參雜(方便言真妄和合，因妄相雖妄，但妄體本空)，
黏起湛然之體，發為見精(八識見分)，體雖本真，用終常妄。

(圖 03)





見精對映色塵，攬取色塵(外四大)，結外四大，而成內四大之勝義眼根，名為清淨四大所成，其相雖屬四大，但極微細，天眼方能見。(圖 04)



勝義根為浮塵根之本元，浮塵根名為肉眼之體，形如蒲萄
 朵，乃由色、香、味、觸四塵，八法(清淨四大與四塵)所成，
 今言勝義根為清淨四大，浮塵根為四塵（色、香、味、觸），
 乃因彼此互影也。(相互依緣存在)。(圖 05)

妄塵黏湛然之性

而發為六精明





眾生聚見於眼，聚聞於耳，

所起知見，乃屬妄知妄見（妄立能、所）

圖05-1

14






既有浮塵根，眾生聚見於眼，見精託根而出，根隨色塵流轉，眼根為色塵所局限，不能超越色塵，自此與耳等諸根，永成相背耳。(圖 06)



本是同一根性
卻不能互用

圖06

18




辰四 申根結由塵

由動、靜等，二種相擊，於妙圓中，黏湛發聽。聽精映聲，卷聲成根，根元目為，清淨四大。因名耳體，如新卷葉，浮根四塵，流逸奔聲。

此推耳根之由，乃由動、靜等，二種聲塵，互相攻擊，以動擊靜則靜亡，以靜擊動則動滅。


在妙覺圓湛性中，引起湛然之體，發為聞精，。聞精對映聲塵，卷（收攝也）聲成根，此根為浮塵根之根元，名為清淨四大，其相極微細，浮塵根依勝義根而成，名為肉耳之體，此浮根乃四塵所成，與四大互影同前說。此根循塵流轉，終日流逸，奔逐於聲塵之境。



由通、塞等，二種相發，於妙圓中，黏湛發嗅。嗅精映香，納香成根，根元目為，清淨四大。因名鼻體，如雙垂爪，浮根四塵，流逸奔香。


此推鼻根之由，乃由通、塞等，二種香塵，互相顯發，因通顯其非塞，因塞顯其非通，於妙覺圓湛性中，黏起湛然之體，發為嗅精；嗅精對映香塵，納（吸取也）香成根，根元名為清淨四大，其相極微細。而成內四大，勝義鼻根也。

浮塵根此根依勝義根而成，名為肉鼻之體，如雙爪下垂之形，此浮根乃四塵所成，與上四大互影耳。終日流逸，奔逐於香塵之境。




由恬、變等，二種相參，於妙圓中，黏湛發嘗。嘗精映味，絞味成根，根元目為，清淨四大。因名舌體，如初偃月，浮根四塵，流逸奔味。

此推舌根之由，乃由恬變等，恬指恬然無味，變指變遷有味，二種妄塵，互相參對，於妙覺圓湛性中，黏引湛然之體，發為嘗精。嘗精映對味塵，絞（旋取）味成根，根元名為清淨四大。勝義舌根也。浮塵根。此根依勝義根而成，名為肉舌之體。同月初之月，半個圓形，此根亦四大四塵，八法合成，與上勝義根，四大相互影耳。終日流逸，奔逐於味塵之境。



由離、合等，二種相摩，於妙圓中，黏湛發覺。覺精映觸，搏觸成根，根元目為，清淨四大。因名身體，如腰鼓顙，浮根四塵，流逸奔觸。

此推身根之由，乃由離合等。身根有離知合知，二種妄塵，相摩交際也。於妙覺圓湛性中，黏起湛然之體，發為覺精，覺精映觸，搏取觸塵，以成勝義身根。名為清淨四大，其相極微細。浮塵根，此根依勝義根而成，名為肉身之體。如腰鼓顙之形，腰鼓俗名杖鼓，腰細以皮革瞞其兩頭。狀如人身，顙鼓腔也。浮根亦四大四塵，八法所成。終日流逸，奔逐於觸塵之境。



由生、滅等，二種相續，於妙圓中，黏湛發知。知精映法，攬法成根，根元目為，清淨四大。因名思，如幽室見，浮根四塵，流逸奔法。

此推意根之由，乃由生滅等，二種妄塵，生而繼以滅，滅復繼以生，生滅相續，於妙覺圓湛性中，黏起湛然之體，發為知精。知精映對法塵，攬取法塵，以成勝義意根。為浮塵之本源，名為清淨四大，其相極微細。意之浮塵根，即肉團心。在人身中不可見，故用思字。以明有思量處，即意根所在也。如幽室見者：意根在內，如人在幽室中見物，意根內照法塵。浮根四塵同上解，終日流逸，奔逐於法塵之境。

